

合江縣志卷之二十四

土司志

西蜀三面環夷自松茂建昌敘永重夔所轄之境
峒酋山獠屈指不一明范守己九夷考撰次頗詳
一曰西番二曰夔人三曰擺夷四曰麼些五曰狝
獠六曰咱哩七曰漁人八曰猓獯九曰猓猓以今
考之狝獠卽猓獯之別名漁人不得爲夷猓猓不
始於蜀雖所述不免重複攬摭而種類要自多殊
前明以來設有長官宣撫宣慰巡檢等司及土千

合江縣志

卷之二十四

土司

吧

戶土百戶土千總土司徒諸名色蓋以蠢茲戎夷
言語不通嗜欲不同服食居處各異必束以有司
而捶撲之狼奔鴟張徒滋紛擾昔在諸葛武侯亦
第羈縻控馭而不以郡縣之治治之也我

朝德盛化神極天際地罔不率俾航海梯山咸來納
貢卽如大小金川裏塘西藏萬里而外俱歸版圖
矧茲府州廳衛所隸之土司乎合江雖西接古蘭
南達牂牁然自漢初已爲內地歷代設立郡縣職
官本無番夷雜處亦無土司名目故闕而不書